



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 95. Idem Romanorum Rex electus.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A.C. 1428.

ponerent, eoquod illi jamjam Hungariæ fines invasissent, & ferro, flammaque omnia depopularentur.

§. XCV.

Albertus in Romanorum Regem electus.

*Æn. Sylv.
Hist Boh.*

c. 55.

Dubrav. l. 28

Interea S. R. Imperii Electores Francofordiæ verni jejunii tempore comitia agebant, atque eundem quoque Albertum communibus suffragiis in Regem Romanorum cooptabant. Verum obstare videbatur juramentum, quo se Imperatoriam dignitatem etiam sponte sibi oblatam non acceptaturum Hungariæ Magnatibus sponderat. Hi enim Albertum ad ejusmodi jusjurandum compellebant, cum crederent, regnum Hungariæ Turcarum invasionibus ideo potissimum vastatum fuisse, quod Sigismundus, utpote Romanorum Rex, regno absens, simul Germaniæ imperium, atque Hungariæ Regnum armis tueri non potuisset. Quapropter hac juramenti religione futuris ejusmodi malis providere necessarium ducebant. Nihilominus Electores non minori solertia, quam meliori fortuna, Friderici Austriæ Ducis tunc adolescentis opera usi sunt, ut illius precibus victi assensum dederint Hungari, & Albertus hoc nomine secundus

summa

summa totius Germaniæ gratulatione Sæcul. XV.
A.C 1438.
Imperium susceperit. Biduo vero, antequam Rex proclamaretur, Electores Imperii, cum mutua Papam inter & Basileenses diffidia, necnon contraria hinc inde condita cernerent decreta, statuerunt, se neutrius partis edicta suscipere, de cetero tam Eugenium Papam quam Basileense concilium venerari. Et hoc ipsum fuit illud *principium Neutralitatis* Germanicæ, ut vocant, tam ab Eugenio, quam a Basileensibus improbatæ. Interea tamen Albertus electus Romanorum Rex hoc Concilium approbasse videtur, cum & suos Legatos antehac a Sigismundo nominatos Synodo interesse iuberet, & Basileensibus quoque pecunias pro Græcorum adventu in Austria collectas etiam ad alios usus impendendos (*) concederet.

§. XCVI.

(*) Nec Æneas Sylvius nec Dubravius, quos Continuator citat, hujus concessionis mentionem faciunt, Spondanus tamen in continuata Baronii historia num. 19. ad hunc annum hæc memorat: *Patres Basileenses illi (Alberto Austriæ Duci) pecunias concesserunt, ex Indulgentiis in Austria collectas pro adventu Græcorum, cum autem peterent, Concilii Decreta contra Eugenium observari, responsum*

Z 4

est